

**O‘ZBEKISTON RESPUBLIKASI**  
**OLIV TA‘LIM, FAN VA INNOVATSIYALAR VAZIRLIGI**

**MIRZO ULUG‘BEK NOMIDAGI**  
**O‘ZBEKISTON MILLIY UNIVERSITETI**



**“KIRITDI”**

Mirzo Ulug‘bek nomidagi  
O‘zbekiston Milliy universiteti  
rektori

2026-yil



**“TASDIQLAYMAN”**

O‘zbekiston Respublikasi  
Oliy ta‘lim, fan va innovatsiyalar  
vazirligi

2026-yil

**KASBIY (IJODIY) IMTIHONLAR DASTURI VA**  
**BAHOLASH MEZONI**

**KIRISH IMTIHONLARIDA “ONA TILI (O‘ZBEK TILI)”**  
**FANI MAVJUD BARCHA TURDAGI YO‘NALISHLAR**  
**(KO‘ZI OJIZLAR) UCHUN DASTUR**  
**(majburiy fan bo‘yicha)**

**Toshkent – 2026**



## KIRISH

Mazkur dastur ko'zi o'jiz abituriyentlar uchun mo'ljallangan. Ona tili (o'zbek tili) fani bo'yicha kasbiy (ijodiy) imtihon dasturi o'rta maxsus kasb-hunar kollejlari va umumta'lim maktablarining "Ona tili" fani dasturi asosida tuzilgan bo'lib, o'zbek tilining grammatik xususiyatlari, ifoda imkoniyatlari, til va jamiyat, fonetika, orfoepiya, orfografiya, grafika, leksikologiya, morfemika, so'z yasalishi, morfologiya, sintaksis, punktuatsiya, stilistika kabi bo'limlar bo'yicha berilgan mavzulardan abituriyentlarning amaliy ko'nikma va malakalarini aniqlashda foydalaniladi.

### Fanning maqsadi va vazifalari

Ushbu dastur bo'lajak mutaxassis-kadrlarning kasbiy bilim, ko'nikma va malakalarini takomillashtirishga qaratilgan bo'lib, tilshunoslik turkumidagi alohida fanlarning o'ziga xos xususiyatlarini yoritishni ko'zda tutadi.

Bunda abituriyentlarning kelgusi kasbiy faoliyatlari uchun puxta nazariy asos yaratish; tilshunoslik masalalarini talqin qila olish ko'nikma va malakalarini shakllantirish maqsad qilib qo'yilgan. Ushbu maqsadni amalga oshirishda o'zbek tili grammatikasi asoslarini o'zlashtirish, grammatik tahlil qilish ko'nikmalariga ega bo'lish vazifalari ko'zda tutilgan.

### Abituriyentning bilimiga qo'yiladigan talablar

Ona tili fanidan imtihoni bor boshqa ta'lim yo'nalishlari bo'yicha imtihon topshiruvchi abituriyentlar Ona tilidan tilning aloqa-munosabat vositasi sifatidagi ahamiyati. Til oilalari. Fonetika. Nutq tovushlari va ularning tasnifi. " "Urg'u" va "bo'g'in" tushunchalari. Fonetik o'zgarishlar: tovush almashuvi, tovush tushishi, tovush ortishi. Orfoepiya. Talaffuz me'yorlari.

Orfografiya. Imlo qoidalari. Fonetik yozuv, morfologik yozuv, shakliiy yozuv qoidalari. Grafika. Tovush va harf munosabati. Lotin yozuvi asosidagi yangi o'zbek alifbosi.

Leksikologiya. Lug'aviy ma'no va grammatik ma'no. O'z ma'no va ko'chma ma'no. Bir ma'noli (monosemantik) va ko'p ma'noli (polisemantik) so'zlar. So'zning shakl va ma'no munosabatiga ko'ra turlari: shakldoshlik, ma'nodoshlik, zid ma'nolilik, paronimlik hodisalari. Tarixiy so'zlar, arxaizmlar, neologizmlar. O'zbek tilining lug'at boyligi. Hududiy chegaralangan so'zlar: sheva tushunchasi. Ijtimoiy chegaralangan so'zlar: argo va jargonlar. Termin (atama)lar. Lug'at boyligining ortib borish usullari: ichki manba va tashqi manba. Olinma so'zlar. Leksikografiya. Lug'at va uning turlari.

Morfemika. So'z tarkibi. So'z yasovchi va shakl yasovchi (lug'aviy shakl yasovchi, sintaktik shakl yasovchi) qo'shimchalar.

Grammatika: morfologiya va sintaksis. Morfologiya – so'z turkumlari, grammatik shakl, grammatik ma'no haqidagi bo'lim sifatida. So'z turkumlari. To'plam va tasnif. Mustaqil so'z turkumlari. Ot va uning morfologik xususiyatlari.

Otlarning lug'aviy shakllari: ko'plik, kichraytirish-erkalash shakllari. Otlarning munosabat shakllari: kelishik va egalik qo'shimchalari, Sifat, Sifat darajalari. Asliy sifat va nisbiy sifat. Tub va yasama sifatlar. Son. Miqdor son va tartib son. Hisob (o'lchov) so'zlari. Olmosh. Olmoshning ma'no turlari. Kishilik olmoshlari. Ko'rsatish olmoshlari. O'zlik olmoshi. So'roq olmoshlari. Belgilash-jamlash olmoshlari. Bo'lishsizlik olmoshlari. Gumon olmoshlari. Ismlar. So'zlarni turkumlarga ajratish tarixi. Ot, sifat, son, olmosh, sifatdosh, harakat nomi, taqlid so'zlarining ismlik xususiyatlari. Ismlarning munosabat shakllari. Fe'l. Fe'llarning ma'no turlari: harakat va holat fe'llari. Fe'llarda zamon, mayl, bo'lishli-bo'lishsizlik tushunchalarining ifodalanishi. O'timli va o'timsiz fe'llar, Fe'l nisbatlari. Ko'makchi fe'lli so'z qo'shilmasi (harakat tarzi shakllari). Ravish. Yordamchi so'zlar: ko'makchi, bog'lovchi, yuklama. Undov so'zlar. Taqlid so'zlar. Modal so'zlar.

Sintaksis. So'z birikmasi. So'z birikmasining bog'lanish usullari: boshqaruv, moslashuv, bitishuv. So'z birikmasi turlari: otli birikma va fe'lli birikma. Gap. Gapning ifoda maqsadiga ko'ra turlari: darak gap, so'roq gap, buyruq gap, istak gap. Gapning his-hayajon ishtirokiga ko'ra tasnifi: his-hayajon (undov) gap va his-hayajonsiz gap. Gapning tuzilishiga ko'ra tasnifi: sodda gap va qo'shma gap. Sodda gap sintaksisi. Gap bo'laklari: gapning bosh bo'laklari. Kesim: ot-kesim va fe'l-kesim. Ega. Ega ishtirokiga ko'ra sodda gap tasnifi: egasi mavjud gaplar va egasi mavjud bo'lmagan gaplar. Egasi yashiringan gaplar. Egasi (shaxsi) topilmas gaplar. So'z-gap. Atov gap. Gapning ikkinchi darajali bo'laklari: hol, to'ldiruvchi, aniqlovchi. Gapning uyushiq bo'laklari: uyushiq kesim, uyushiq ega, uyushiq hol, uyushiq to'ldiruvchi, uyushiq aniqlovchi. Gapning ajratilgan bo'laklari. Gap bo'laklari bilan grammatik munosabatga kirishmaydigan bo'laklar: kiritma, kiritma gap, undalma. Sodda yig'iq gap. Sodda yoyiq gap. To'liq gap va to'liqsiz gap. Gap bo'laklari tartibi. Inversiya. Qo'shma gap sintaksisi. Qo'shma gap tarkibidagi sodda gaplarni bog'lovchi vositalar. Qo'shma gapning tarkibidagi sodda gaplarni bog'lovchi vositalar xarakteriga ko'ra turlari: bog'langan qo'shma gap, ergashgan qo'shma gap, bog'lovchisiz qo'shma gap.

Uslubiyat. Nutq uslublari: so'zlashuv uslubi, rasmiy-idoraviy uslub, ilmiy uslub, ommabop uslub, badiiy uslub.

Punktuatsiya. Tinish belgilarining qo'llanishi.

**Abituriyent.** Ona tili fanini o'zlashtirish jarayonida amalga oshiriladigan masalalar doirasida adabiy tilning fonetik, leksik-semantik, grammatik me'yorlari, orfografiya, orfoepiyaning nazariy masalalari asosida og'zaki va yozma nutq ko'nikmalarini, lotin yozuvi asosidagi yangi o'zbek alifbosi qoidalarini, tilshunoslikning har bir bo'limlari bo'yicha umumiy o'rta va o'rta maxsus ta'lim dasturlariga yaqinlashtirilgan holdagi ma'lumotlarni, grammatik tahlil qilish ko'nikmasiga ega bo'lishi kerak.

## **IJODIY (KASBIY) IMTIHON NATIJALARINI BAHOLASH MEZONI**

Ko'zi oqizlar uchun ijodiy imtihon 5 ballik tizimda baholanadi.

Ko'zi oqizlar uchun kirish imtihonlari og'zaki tarzda o'tkaziladi va har bir imtihon biletiga uchtadan nazariy savol kiritiladi.

**Ijodiy imtihonni baholashda quyidagi mezonlardan kelib chiqiladi:**

**1. Abituriyentning javobi 5 ("a'lo")ga baholanishi uchun:**

• mavzuning mohiyatini to'g'ri anglagan bo'lishi. Ijodiy mulohazalar asosida yoritishi;

- mavzuni mustaqil fikr asosida bayon qilishi;
- fakt va misollardan o'rinli foydalanib to'g'ri xulosalar chiqara olishi;
- mavzu doirasidagi barcha masalalarni qamrab olishi;
- talab darajasidagi filologik va ijtimoiy-siyosiy bilimga ega bo'lishi;
- nutqi ravon bo'lib, fikrini adabiy tilda ta'sirchan ifodalay bilishi zarur.

**2. Abituriyentning javobi 4 ("yaxshi")ga baholanishi uchun:**

- mavzu mohiyatini atroflicha, ijodiy yondashuv asosida yoritishi;
- mustaqil fikrlashga intilishi;
- fikrlarini izchil ifodalash qobiliyatiga ega bo'lishi;
- nutqida mantiqiylik, ravonlik, obrazlilik ko'zga tashlanib turishi;
- manbalardan, fakt va misollardan o'rinli foydalana olishi;
- filologik va ijtimoiy-siyosiy savodxonligi yetarli bo'lishi;
- fikrini adabiy tilda to'g'ri, maqsadga muvofiq ifodalay bilishi lozim.

**3. Abituriyentning javobi 3 ("qoniqarli")ga baholanishi uchun:**

- mavzu mohiyatini chuqurroq ochib berishi, notiqlik qobiliyati sezilib turishi;
- so'z san'ati va nutq madaniyati haqidagi tasavvuri qoniqarli darajada bo'lishi;
- so'zni bir qadar nozikroq idrok eta bilishi, fikrni izchil ifodalashga intilishi;
- fikr bayoni va uslubi ravon, mantiqiy bo'lishi;
- fakt va misollardan to'g'ri foydalanib, to'g'ri xulosalar chiqara olishi;
- fikrini adabiy tilda ifodalashga intilishi kerak.

**4. Abituriyentning javobi quyidagi hollarda 2 ("qoniqarsiz")ga baholanadi:**

- mavzu mohiyati etarli darajada ochilmasa;
- tilshunoslik bo'limlari va adabiyot haqida muayyan tasavvurga ega bo'lmasa;
- fikrni ifodalashda g'alizlik uchrashi;
- abituriyentning mavzu yuzasidan tasavvuri yuzaki bo'lsa;
- fikrlash doirasi tor bo'lsa;
- fikr bayoni izchil bo'lmasa;
- nutqida ravonlik, mantiqiy muvofiqlik kuzatilmasa.

**Kasbiy (ijodiy) imtihon komissiyasi tarkibi va uning faoliyatini tashkil etish**

Kasbiy (ijodiy) imtihon komissiyasi faoliyati 2026-2027 o'quv yili qabul komissiyasi tomonidan tashkil etiladi.

Ona tili fanidan sinovlar mavjud barcha turdagi ta'lim yo'nalishlar bo'yicha kasbiy (ijodiy) imtihon komissiyasi tarkibi odatda uch nafar a'zodan kam bo'lmagan holda tashkil etiladi.

Ijodiy (kasbiy) imtihon natijalari uch kun muddatdan kechiktirilmagan holda e'lon qilinadi.

Ona tili fanidan sinovlar mavjud barcha turdagi ta'lim yo'nalishlari bo'yicha ijodiy (kasbiy) imtihon natijalaridan norozi abituriyentlarning murojaatlarini ko'rib chiqish bo'yicha apellyatsiya komissiyasi tashkil etiladi.

#### **Appelyatsiya komissiyasi tarkibi va uning faoliyatini tashkil etish**

Appelyatsiya komissiyasi kasbiy (ijodiy) imtihonni o'tkazgan oliy ta'lim muassasasi qabul komissiyasi tomonidan tashkil etiladi.

Abituriyent kasbiy (ijodiy) imtihon natijalari e'lon qilingan vaqtdan boshlab, 24 soat ichida appelyatsiya komissiyasiga og'zaki yoki yozma shaklda murojaat etishi shart. Belgilangan muddatdan keyin murojaatlar qabul qilinmaydi.

Appelyatsiya komissiyasi abituriyentning faqat o'zining ishi bo'yicha bildirilgan murojaatini yuzma-yuz abituriyentning ishtirokida ko'rib chiqadi va yakuniy qarorni beradi.

